

新修江寧府志卷之四十一

人物八 隱逸

晉郭文字文舉河內軹人也隱餘杭大辟山中王導聞其名遣人迎之置之西園居七年忽逃歸臨安見南史  
隱逸傳

宋周續之字道祖雁門廣武人也遁跡廬山與劉遺民陶淵明稱潯陽三隱宋武帝踐祚召之爲開館東郭外招集生徒乘輿降幸聽其講續之素患風痺後不復堪講乃移病鍾山景平元年卒

雷次宗字仲倫豫章南昌人也少入廬山隱退宋元嘉

新修江寧府志

卷之四十一

隱逸

一

十五年徵至開館於雞籠山聚徒教授久之還廬山後又徵詣郡爲築室於鍾山西巖下謂之招隱館卒於鍾山

齊吳苞字懷德濮陽鄆城人也宋太始中過江聚徒教學齊隆昌元年徵爲太學博士不就始安王遙光及江祐徐孝嗣共爲立館於鍾山下當時稱儒者自劉瓛以後惟苞一人而已

梁阮孝緒字士宗陳畱尉氏人也年十五冠而見其父自是屏居一室非定省未嘗出戶家人莫識其面天監十二年詔徵不至嘗於鍾山聽講母王氏忽有疾心驚

而反人嗟異之合藥須得人葺舊傳鍾山所出孝緒躬  
歷幽險累日不獲忽見一鹿前行感而隨行果獲焉卒  
年五十八門徒追論德行謚曰文貞處士

陶宏景字通明丹陽秣陵人也年十歲得葛洪神仙傳  
晝夜研尋便有養生之志父爲妾所害宏景終身不娶  
爲學以一事不知爲恥齊高帝作相引爲諸王侍讀雖  
在朱門閉影不交外物永明十年脫朝服掛神虎門上  
表辭祿止於句容之句曲山嘗曰此山下是第八洞宮  
名金陵華陽之天乃立館山中自號華陽陶隱居人間  
書札卽以隱居代名卒年八十五贈大中大夫謚曰貞

新修江寧府志

卷之四十一

隱逸

二

白先生

陳馬樞字要理扶風郿人也隱於茅山陳天嘉中徵不  
至及鄱陽王爲南徐州刺史卑辭厚意令使邀之不得  
已乃行王別築室以處之樞惡其崇麗乃於竹林間自

營茅茨而居

以上俱見南  
史隱逸傳

唐秦系字公緒越州會稽人天寶末避亂客泉州結廬  
九日山中未嘗至城門其後東度秣陵隱居茅山自號  
東海釣客劉長卿有贈系詩唐書隱逸有傳

顧况字逋翁海鹽人爲韓滉判官歷江南郡丞校書著  
作卽後居茅山自號華陽真逸焦山座鶴銘或疑陶宏

景書或疑况所書也

韋牟號遺名子上元人大歷中隱居鍾山西巖飄然有物外之趣顏真卿題其所居曰三教會宗堂

陳融六合人好學不仕卒諡貞晦先生呂溫爲作記表

其行

二人唐書無傳  
依舊志載之

宋吳思道金陵人以詩爲蘇軾劉安世諸人所賞官至團練使宣和末棄官不仕後寓新安野服翛然如雲水人

辛思順金陵老儒也皇祐中沽酒江州人無賢愚皆喜之時劫江賊方熾有一官人艤舟壚下偶與思順往來

新修江寧府志

卷之四十一

隱逸

三

相善因以酒十壺餉之已而被劫于蘄黃間羣盜飲其酒驚曰此辛秀才酒耶官人解其意給曰僕與辛秀才親舊賊相顧駭曰吾儕何爲劫辛老所親哉斂所劫還之且戒曰見辛勿言思順年七十二日行二百里盛夏暴日中不渴蓋嘗啖物而不飲水云

侯遺一名仲遺隱居茅山勅書院教授積十餘年天聖間王隨知江寧府奏請於茅山齋糧田內給三頃充書院用從之

侯蕃字仲瑄句容通德鄉人講貫六經大義志在林泉踪跡不入城市人以龐德公比之

朱南强字德方隱居句曲之古隍溪溪水東流因自號東溪別號鮑醜著有鮑醜稿卒年七十三歲王去疾銘其墓趙孟頫書之祀鄉賢

梁棟字隆吉相州人宋亾與弟柱入茅山後卜居建康江東人士從學甚衆一日無疾坐逝壽六十四

元孫轍字履常金陵人後家臨川學行純篤事母以孝聞家居教授門庭蕭寂士至郡以不詣轍爲恥部使者長吏之賢多造焉憲司屢辟不就元史有傳

丁復字仲容以詩名落拓不偶灌園自樂四方之士多載酒求詩復引觴揮毫未嘗起草而語率高絕壻饒介

新修江寧府志

卷之四十一

隱逸

四

哀得百餘篇名檜亭詩稿李桓爲序

居仁字仁恕句容人洪武初徵入朝與之奕賜以內醜辭不就職隱于家闢軒面竹人稱瞻蓁先生見元史儒學同恕傳

王德甫字體仁句容人以儒行任眞州判官擢本州知州元季飄然歸隱明初屢徵不起力田營室種菊自娛自號菊叟

王德昇句容鄉人至正間屢徵不起

袁當時字良所丹陽人良所避紅巾亂卜居漂水遇茅山異人授以方書遂遁跡方正學端木孝文咸重之

王元吉金陵人年十四歲饑與兄行糴旁縣遇盜將劫之兄懼走匿元吉不爲動徐罵曰庸縣官使吾運粟許夫防我而不至若豈防夫耶後有粟車數十兩若其防後至者盜以爲然散去福壽在金陵陳也先潘甲聚兵數千自稱元帥聲言討賊索餉城下福壽憂不知所出元吉請見言曰盜兵悍甚此難與爭鋒公宜開城門陳芻粟若將饋之者而以好言給之請一元帥將卒來取彼聞吾言莫測深淺主者必自來吾以計殺之而制其一人易矣福壽從其言潘甲果自來執殺之也先遁去明興元吉噤不言世事隱肆中自給以布衣終

新修江寧府志

卷之四十一

隱逸

五

王顯江寧人號溪漁子有雄才往來江淮間所交多大俠異人一旦盡悔所爲買書數千卷讀之爲文章奇偉伉健然恥以自名嘗曰漢無儒者惟賈生諸葛孔明耳唐陸贄粗有識然不足以幾王道所貴乎學將以輔天地所不及耳不然多讀書何爲顯父名元賓少從名儒學藝能蓋衆體貌魁然知世變遂決意避世方正學嘗謂顯遠利詭隱爲一世奇士方之元賓可謂難爲父子矣

賀確字存誠先世隴西人徙金陵確於學靡不通貫爲文辭下筆輒有古風以菊有隱操篤愛之自號友菊居

士學士周敘以其有史才薦修宋遼金三史不就  
龍暄字克溫上元人與邱濬陳獻章爲友自號半閒居  
士士之過金陵者以不識克溫爲猶徒行也顧璘作半  
閒居士傳

倪誠字允恭文僖公謙之兄也幼讀書知大義工詩善  
飲自號坦菴闢別墅於韓橋江滸足跡不入城市吳匏  
菴李西涯咸重之

王可立可久幼弟也可久別有傳可立少有高韻爲諸  
生謝去家有小園蒔花木自娛翛然塵外視名利漠然  
七十後猶手書所纂小程史數十卷御子弟嚴家法爲

新修江寧府志

卷之四十一

隱逸

六

時所重人稱丹邱先生

史相字元昭號緝熙道人少孤貧獨養孀母會詔舉經  
明行修之士有司以元昭應妻顧氏謂之曰人盡臣也  
子實無二顧養而廢仕誰曰無君子曷辭焉遂不就工  
畫山水以老壽終

金振號竹溪上元人工詩不仕

金琮字元玉號赤松山農與史忠稱金陵二隱書法精  
工文徵明極賞之弟璿字元善隱於醫

史忠字廷直號癡翁作臥癡樓於冶城之側嘗訪沈石  
田於吳門值他出見几有素絹因潑墨成山水巨幅不

通姓名而去石田歸見之曰必金陵史癡也要之歸畱三月而別忠有女及笄壻貧不能具禮乃詭攜觀燈同妻送之壻家其曠達多如此

朱慶期字仲望上元人工詩善畫無所千求子睿愴亦有高韻中年構草堂於石頭城側曰招隱至今人猶傳之

孫石字介臣上元人宿學有盛名時人擬之百尺孤松晚年減緣息慮求性學之宗旨足跡不踰戶外同里有廖傅生張彥先亦皆清修之士

張正蒙字子明世居通濟門外之晉灣潔修自愛詩文

新修江寧府志

卷之四十一

隱逸

七

豪逸年九十猶能日行數十里不倦

魏之璜字考叔少孤貧以書畫知名性孝友養親撫弟皆取給於書畫未嘗千人公卿過訪不一報謝慕其風者或設醴折節以冀其一至焉

胡宗仁字彭舉本富家子晚隱冶城山有知戴齋集竟陵鍾惺叙之

張風字大風上元人家貧妻亾不再娶嘗衣短衣北走盧龍上谷登昌平天壽諸山夙善畫至是益工後歸鄉里多寓僧寮道院泊然世外畫登逸品尾署真香佛空或稱昇州道士

方登字嘯門上元人慕孫登之爲人故以爲名及字又自號樵城子工詩年七十餘卒

顧源字清甫江寧人豪雋不羣中年究心禪理臨終舉室聞蓮花香端坐而逝殷侍郎邁作寶幢居士傳焦修撰竝刻其玉露堂稿行世

張之斗號希坦江寧人世職千戶累官浙江總兵甲申流寇陷京師之斗歸隱山中不復粒食日采野菜啖之如是者六十年

房宏中字子潤上元人能詩工古文辭貌頎皙而臞嗜酒喜遊崇正丁丑賦詩六章棄妻子去後有清涼寺僧

新修江寧府志

卷之四十一

隱逸

八

於匡山見之云將往峨眉遂不知所終

孫自修字無修江寧人天啓甲子舉人授陽江令遷大同同知感時亂盡遣愛妾棄家祝髮結茅於人跡罕至之處顏曰懸溪菴擔柴負重以自給其子間關往省勅斷家事以學道讀書相勉而已交游有識其而者輒避去不顧

黃周星字九煙江寧人崇正庚辰進士授戶部主事卽疏論時宰奪情事詞氣忼直甲申之變棄家走閩中爲道士更號笑滄奔走四方殆四十年癸亥五月五日忽書絕命詞負平生著述躍水中死年七十二



鄧良材字干霄江寧人潛心陸王之學甲申之變號痛累日遂絕意仕進葛巾野服翛然以終同時周掌文字澤宮家貧有志操不屑千人工楷法小篆晚歲隱居冶城

胡長庚字星卿東川侯海之後也海子觀尚南康長公主以靖難不屈失侯降襲指揮使長庚幼有大志崇正朝以蔭讓其弟已讀書爲諸生晚盡棄家財結廬南康墓旁足跡不入城市號茅屋老人門人私諡曰貞讓楊廷俊字顓之上元人甲申後隱居不仕

金呂字伊仲號綸叟上元人讀書樂志甲申後遂隱居

新修江寧府志

卷之四十一

隱逸

九

不仕慕陶靖節之爲人以詩酒自娛嘗自題小像以見志

黃宗洙字鹿崖人稱黃山人居貢院東首河房卽丁繼之故宅山人貧而樸質口誦國初諸名人詩至數十家年過七十隻字不念談逸事娓娓可聽

陶信菴舊志遺其名句容上容鄉人耽詩景泰間屢辟不就

李源字克中句容人明周易理數之學精書畫明初以碩德徵不就自號無益居士

笄宗鏡字長人句容人事母以孝聞甲申後屏跡杜門

自號實闕農

夏鑑字文明溧水人少有氣節性孤介無所合人亦罕有至其門者久之里人習其名爭延致之卒不往所著有漁樂集弟子稱漁樂先生

徐一鵬字翔徵高淳人盧公象昇嘗出其門崇正中象昇特疏薦於朝稱其學識老鍊文行直逼古人甲申後隱居不仕

黃揆字敘百高淳人崇正閒諸生少穎敏絕倫長工詩古文辭尤善邊略溧陽守備馬信延之幕中甲申後與信匿海中十數年士卒苦海水鹹揆以法作爐升煉其

新修江寧府志

卷之四十一

隱逸

十

清者飲之海中稱黃公泉已乃踰閩浙來歸詣軍門自陳時年甫四十家居不仕卒年七十餘

趙爨字孟敦高淳人崇正庚辰進士甲申後隱居不仕徜徉山水每有所感則涕泣投袂而歸工書畫然不多作有得其尺幅者珍若璧寶焉

孫越字凝之高淳人甲申之變聞報設位以哭乃掛青衿於澤宮之門隱居教授足不入市者四十年所居風雨不蔽家徒四壁宴如也縣令某投刺就見越牆遁去卒年八十

湯之典字幼常高淳人甲申後謝世事築室退處方畝

山邢石臼咸重之

陸光卿居淳溪之西隴好吟咏著有閒適草號松閒子  
莊志甫本章姓江浦人松江籍定山先生昶之祖也志  
甫能詩文精數學明太祖卽位有司交薦不起挈妻子  
游淮泗閒後至江浦遂家焉成祖北狩上書言時政十  
事多見採納其孫昶有詩紀其事

許炎江浦人有學識嘗赴闕陳時政如除種馬還蘆洲  
凡甦民困之事皆極言之

鄭朝聘江浦人游焦澹園之門所著有廬言家範皆躬  
行實踐不同空言受業諸生立祠石磧橋祀之號爲良

新修江寧府志

卷之四十一

隱逸

十一

嶽先生

國朝紀青字竺遠上元人能詩少爲諸生業棄去入天臺  
國清寺爲僧久之復捨去其子映鍾字伯紫載文苑傳  
女映淮字阿男載列女傳新城王阮亭記青遺詩數篇  
諧麗高逸得唐賢勝概有樺冠集

余遴字公沛上元人明南祭酒孟麟後也性誠朴不外  
慕寓烏龍潭濟生菴坐臥一樓六十年不入市讀書自  
娛尤精樂律平居鼓一琴長尺許不肖爲人彈有竊聽  
者以爲音節迴異年八十餘其姪雝斯年近七十奉侍  
几杖克盡子職人咸稱之

謝璣字在之上元人明季歲饑區畫賑卹諸事都憲張瑋以璣有濟世才薦於朝辭不就隱居龍溪

王應憲字德卿上元人少負奇氣文行著於鄉隱居著述有河漕水利鹽鐵諸考

程邃字穆倩江寧人能詩善書工畫人得其片紙者莫不珍以爲寶孝感熊相國欽其高義贈野全道者四字額

吳越彥字季舒高淳人古懷子古懷載篤行傳越彥性孝母卒廬墓三載康熙中舉隱逸學行之士有司以其名應固辭不就丁丑徐用錫邀之入都鮮所接見惟賣

卜蕭寺作浮梗孕玉諸賦一時名流咸欽仰焉所著有巢軒集耕餘錄立修堂稿牆東草堂稿行世

楊曰祐字秩人高淳人爲文薄西京以下年二十餘卽棄舉子業結廬溪上自號蘆中人著蘆中詩集十卷林登雋江浦人崇正間以守城功授通判不仕

國朝順治間縣令屢以山林隱逸薦固辭